

點蒼山人詩鈔

點蒼山人詩集卷三

雲南叢書集部之三十五

太和沙 琛獻如著

上巳日潁州雨中

三月三日春草青潁州城邊雨冥冥
桃花隔水媚幽獨楊柳和烟縈
嬈婷修禊故人西洱崑
豪遊往事曲江亭那知作吏風塵下
泥潦驅車不暫停

喜晴

晴霽今朝得芳菲已遍林春寒騎月雨
天轉惜花心澗水蘇眠柳村簷
啁乳禽麥苗宜暖日野老亦忻忻

夜行

村徑夾林塘晴宜晚路長煙開衣露溼花近月痕香良
夜清如此春遊得未嘗平生幽僻與苦憶舊山莊

苦雨

綠樹中庭碧蘚肥鳩聲日日喚晴暉蒼茫積雨連天濶
吃緊春花一片飛矮屋功名經世拙故園風月出山非
微官好賴年豐樂蒿目中田麥待晞

上堵吟

白馬塞前山窅冥山村無人人哭聲三十五溪水泠泠
溪中種田食不勝魚肥酒美香稻稔茅簷櫛比夜不局
何來妖賊奔狂鯨廬室糜盡驅男丁賊去賊來煙燐積

迢迢漢水東西橫鳳關爲關城金城

戰城南

戰城南賊擾我城北比屋焚燒天爲昏地爲赤將軍填
膺壯士怒無不一以當十一以當百山高谷深賊多端
往來倏忽不得搏裏糧坐甲陰雲四遮烏鳶飽人啼呀
呀烏鳶啄人肉一半啄賊肉死賊何心怙此窮毒

戰城南賊滿城南竟城北賊饑無食攫我民我民有田
耕不得前日平一賊昨日平一賊賊平何不平賊驅我
民當我兵

隴水謠

隴頭水鳴歔歔隴頭民隨流離官重何在賊饑疲東望
秦川心逶迤

雜感

天道恢恢儘大觀
低頭更事信心難
憐才誰解書遊俠
已鬪寧知屬弄丸
止水寶具風浪失
火雲蓬勃月輝寒
雞虫得失無時了
轉盡桐陰自倚欄

驅車

驅車無計釋愁煩
枳棘羈縶望遠驂
時夜何堪憑覓卵
摧林不分爲亡猿
河鳴急溜潛磯出
雲擁飛靈綠樹昏
難路機心成執熱
不妨濁酒醜芳村

望蒙城山懷古

炎暑倦行役平野塵昏蒙片山忽東出爽氣生龍慈高
樹蔽城邑迂迴渦水東不辨漆園處緬懷高士風微官
竟何樂擾擾征途中

獨酌

炎天人語斷黃昏芳果時蔬自舉樽世事豈能佳論了
物情終賴靜根存平河浪寂林回潤急雨雲頽月透痕
偃仰一官憂世界却忘百里費批根

喜雨

半夏炎威夜未平遙天含雨曉方傾無邊禾黍芑芑意

不盡梧桐葉葉聲樂奏部蛙嬉水亂夢餘飛蝶趁風清
披衣飽看翻簷溜知遍人間笑語并

曉行

朝朝案牘苦難刪行路蕭疎一解頰殘夜日生霞透海
濃陰煙暗樹如山渡頭孤艇眠聲寂雨後耕農意態閒
野鹿標枝無限思猶餘清淨在田間

輓孫樸園

離別再經歲各爲職守羈豈知遽淪逝長此空懷思子
荆性矯厲經術精研道兼心迫開濟僣俛吏事卑盤錯
試利器豪強紛四馳遺澤春申開父老涕漣而廬江山

谷難憑昔禽魚渾自來
罽塵城郭暗一片隔林隈

重九雨中宴集

蕭蕭風雨上亭臺
歌管悠揚暮色催
如此黃花須盡醉
長年笑口幾回開
隔簾響應疏桐滴
入座青垂弱竹來
茱萸糗餈良日與
已勝陶令賦空罍

歷北鄉故城

泛舟茨河水木落水粼粼
水邊故兩城坂陀橫高原西
城信陽國東城宋公墳
隍復尙餘址碑碣無由存
第見芻牧兒驅牛返荒村
野老謬流傳地誌失其真
高城已不辨况復城中人
臺殿羅鐘鼓事往惟荆榛
人生如蟻

蛄何由覩冬春考古覈名實不朽亦云難局踣百年內
淒惻摧心肝

信陽懷古

信陽卽新陽細水出西北東經宋公城水經脩考覈宋
公國鄴邱新陽殷就國東西近相望無乃太逼仄節侯
食陽夏子訴平鄉錫曾聞冀木主土人耕田得平城近
昔縣計里頗不忒殷實邑原鹿平輿析其側細陽今縣
東岑遵所封域旁有彭祖邱傳會從可關雲臺重東漢
殊恩兼外戚何緣百里間羣侯此受冊茲地實陳汝泉
甘土田殖帶礪翼東都千載豔光澤習俗今何陋古風

蕩如滌縣志雜鄙謬笑言堪笑啞土無藏書家民有嗜
邪癖豈云天地氣有時亦輟力絃歌宰也事文獻治所
則城闕傷子衿驅車長太息

張孟侯故里

孟侯守經義侍講寓諫正抗疏理竇環平情愧險佞王
青擢幽替夬舉礪士行輜駕列講庭公卿祝翁慶豈抑
希世術詩書致貴盛廷叱宴司隸無乃傷躁輕由來地
氣剛賢達已難屏

范孟博祠

東漢鈞黨禍孟博壯以悲郭揖解綬出吳導伏床啼慈

母慰赴義樂與名賢齊正直不自保澄清志何施矯激
豈云濟道行亦需時鋤蘭暨荃蕙漢運嗟已衰抗節埋
首陽志意終不虧古墓不復辨秋草塞荒祠惟有斤溝
水皎潔無盡期

秋感

潁陽秋盡已三年績用艱難自憮然老氏可牛還可馬
仇香能鳳不能鷗清虛竟日黃花雨蕭瑟孤城落木天
何似著書寬歲月山窗紅桂白雲邊

沙河夜行

古岼如山抱野亭馬蹄殘葉響沙汀良宵可愛消行路

吏事難工慣戴星霜樹影空天遠淡河磯波轉月瓏玲
紅塵不動黃壚靜無限人間夢渺冥

棲鴻嘹唳起河洲朗日驚鴉噪不休羣動悱然迷曉夜
人生那得戀衾裯五星頗覺將同色四野忻逢大有秋
多少廟謨憂濟急彈丸霜露未堪愁

感寓八首

潁水冰堅欲走車密雲連日變丹霞豐年粟價驚二倍
窮野人心望六花眯眼沙塵吹几硯撲人嵐翠憶山家
東坡祈雪真成雪自笑詩靈感應差

低頭束帶歲悄悄小吏憂愉只費勞補履兩錢雖便得

投竿千里釣方豪
山中白鹿思陶淡
雲外真龍笑葉高
廣廈萬間還有願
蒼生原是仰吾曹

撫字催科兩未工
終朝腕脫簿書叢
人宜范冉腰間佩
官似王褒約內僮
未分詩書諸俗好
由來事業亦天功
霜風短晷催年暮
白髮星星也太慙

服文帶利各夸然
走馬誰能却糞田
畢竟繁華須返樸
由來嗜欲已開先
仙人苦祕成金藥
大地難期雨粟天
日暮牛羊霜滿野
草根阻齧臥寒烟

紛紛爾汝未真情
圖巨端知在積誠
致雨須迴三部掾
斷河亦避貳師兵
五年戎馬成滋蔓
四國軍儲未取盈

小邑艱辛憂世界秦山楚水半乘城

誰解樓臺現指頭衣袂且自備行舟繫牛已屬行人得
欲炙惟憑見彈求山木有萌生夜息原田舍舊卽新謀
史公委曲書平準宰世應須別運籌

珍糲同甘一飽心一身豕計好肩任不嫌墨翟能摩頂
那得王陽解作金啄木繞林枯樹響淘河弄影碧波深
歸田莫厭徵輸累饒得桑間放浪吟

忽忽窮年渡潁濱飛揚不似壯心人雙親兩地俱垂老
萬里微官不救貧月下遠砧風露切天邊鳴雁別離頻
蒼山苦憶書堂嶼晴雪梅花此日春

雪後望江上山呈皖中諸寮舊

辛酉

春氣暗如坳不見江上山憶昔來皖城江樓窮登攀梅
花點金樽清歌度雲鬢遠峯青照耀縹緲欄榭間交游
一分手佳會難屢遣淮西麈塵土跼促吏事艱青山入
萋麻恍忽隔仙關茲來已兼旬悵悵臨江灣昨宵大雨
雪初破龍公慳人氣變歡笑生意蘇榛菅長江淨無翳
晶瑩碧玉環晴霽得未曾羣山始開顏倒影出千嶂蓮
花落煙寰輕素冒林巖蒼翠紛磷斑三年眼如眯斛塵
俄已刪念彼舊游人變態非一般山色好常在人事苦
難圓曾點狂猶昔趙孟老欲髡魏絳軍旅倦郭奕詞賦

嫻我性錕烟霞耿耿餘堅頑會須十日飲公程何足患

省寓喜得潁州雪報

潁人賴麥魚賴水潁人得雪蜂得葉一冬禱殺張龍公
密雲作霜沙揚風小宰子役不遑恤太守火檄催匆匆
連朝鵲噪鐙花赤元夕飄鐙雪一尺巖邑關心郵馬飛
粟價已聞錢減百椎牛剽劫知無踪小邑年年邀天功

烏夜啼

烏啼明月光飛繞巢邊樹行人中夜起門外天涯路天
涯處處烏夜啼每聽烏啼道起遲

淮上山歌寄懷林念楨

江邊小邑山深深羨君官閒識君心山城無事同謳吟
別君青山側渡江直到淮西北淮西無山想江國去年
行役淮渦間君家門前始見山今年行役渡山曲兩山
離離波相屬得邑名山預可忻風塵畢竟嫌羈束山間
白雲如江涯思君洄溯江又淮

雨後春草

楊絲煙重欲平堤笑靨桃花映水低幾日濛濛衣上雨
綠將芳草過淮西

靈璧二首

五載三靈璧勞勞亦有緣荒城聞琢磬大水憶乘船市

肆圖奇鬼農譎靠老天九荒今一熟春色已鮮妍
盡日愁泥濘河形認是非孤村依阜出遠樹入天微
石山腴瘦耕淤水借肥鶯花春正好窮野耐朝饑

睢股河挑工感賦

治河無上策疏濬仍良謀自從奪汴泗歲歲驚黃樓長
淮中南巨一合不可收高堰兼閘壩推挽成安流陵谷
變年代千古同悠悠泥沙有消長木石難久留嗟彼淮
黃間時憂魚鼈傳北山何落落烟火稀薪爨石閘鑿天
然啟閉大河頭怒流賴宣瀉功大過亦侔洪澤以爲壑
有時漫數州洪澤近頗淤恐爲淮者愁自我事行役五

年此三游雨水潰睢岸分賑溯行舟黃流三載溢從事
監河侯今來見平野河沙滿道周奉檄濬南股形跡難
可求督夫大澤中饑火生咽喉馬蹄襍徒涉日暮孤村
投憶昔懷賈讓三策窮雕蝨歷世滋聚訟穿鑿多悔尤
圖巨良不易吏事惟率由路逢流亡歸歡顏待麥秋蓼
虫習忘苦生計寄浮漚人事有運會何勞千載憂

張家瓦房工次

長堤宛轉涉微瀾盡日塵沙撲繡鞍碧草淺深春萋萋
楊花撩亂雪漫漫涇渠未分賄秦鄭鄰壑何勞泊水丹
機事機心堪一笑芄芃麥秀滿河干

時村早行

茅簷燈火強停鞭，迅速期程破曉眠。
那得化身千百億，好隨相馬曲方圓。
桃花笑口真如錦，榆莢連天不當錢。
惆悵春光三月駛，人生底事官情牽。

道邊得芍藥滿肩輿中

藍輿掩靄露珠灑，折得將離手自將。
春色一番銷驛路，名花誰與惜幽芳。
同車好擁姬姜豔，臨水猶憐士女香。
憶到秋娘金縷曲，無端惆悵又清狂。

卸太和任

蚩蚩謬俗已翻然，牛犢腰間欲盡捐。
風浪三年羅刹海，

法輪一唱夜叉天息心頗憶林泉去得邑差強山水邊
今夜黃紬酣睡穩蘭膏始笑自焚煎

風流無計續虞延景色葱龍細水邊詛祝未能銷叢爾
袴襦猶幸借豐年星星已變來時髮去去難輕遠道肩
一點微雲齊仰首不成霖雨又移川

懷遠縣作用潘騎省河陽縣二首韻

少年慕貴仕入應公車招躡躡春卿門無由側中朝棟
拔荷曠典縮綬托下僚澗松自鬱鬱那希山上苗行役
遍江皖山水窮南條雅志背臺尚宿約負松喬盡瘁攝
汝陽三載如一朝桑雉不及馴佩犢幸已消薄雲戀爲

雨東西隨風飄需次忽七載掌茲淮壩係輕舟下清潁
南風吹袂綃塗山拔地起惟荆側嶠曉明德仰神禹導
此淮渦道玉帛來萬國羣后肅以劭小邑舊勝地民祀
相與要敢言下位卑冥冥逐塵颺薄俗善詛視民風形
歌謠側聞郡邑弊苗弱莠騎驕搯刀慎宰割何敢視民
恍

洪流起朱夏繞郭連雙河兩山對蟠鬱雲雨交重阿高
艦浮荆揚市利成紛華石衢夾廣巷綠樹蔭繁柯廡宇
簇崗巒爽氣來嗟哦登臺望平野農事興南訛耕淤足
早麥築場翦春蘿屢荒樂今熟滿車出汗邪豈伊土臣

瘠舊俗懶桑麻澆風生積貧何由返雍和薄才拙撫字
敢希襦袴歌跼躋簿書叢何以當負荷

秋漲

烟波秋漲澗野路覓坡陀疊嶂過分雨迴雲倒上河戴
星從鞅掌何地憶絃歌瑣瑣陰晴視淮壩歉歲多

七月二十八日蒙城紀夢

莊生祠前泥一尺車殆馬瘡村徑夕深林燈火停餓驂
秋雨秋風透簷隙倦軀得枕百事忘青山忽出天中央
山間臺觀羅松篁朱樓一角七寶裝勢如浮圖凌風揚
雲窗翠幙層層闢仙人照耀臨朝光羽衣之少年招我

雙王手何人頰面蒼虬鬚傲睨不言搖其首踟躕鸞鶴
羣逐勝樓東走重門無人心怵怵珠簾風靜笑語聲花
豔滿庭賢相見雲鬢霧鬢百媚生阿姆殷勤舊所識手
攜雙鬢贈我行丰骨清嚴淡妝飾欲請其尤笑不麇絮
語頻頻更催別許多仙豔皆目成雨聲撲窻破幽夢紅
樓在眼青山青人生夢幻生臆想塗泥未分雲霄仰仙
人嗔喜意可會仙姝何由見延獎龍宮惡婢兆將帥擬
非其倫殊妄蕩我生得意不盡歡無乃夢中亦相仿清
境歷歷欲模糊火急作詩登前途

太和渡穎

酌水愛清潏三載此川湄秋雨暗蘋渚不似春遊時野
人指前宰依依臨郊歧渡鳥不留影停雲無定姿兩漿
渡廻灣眷言行路遲高樹舊城邑勞身竭敷施欲覓過
去心渺渺難重持膠擾百年中未來何可期

夜行

籠燭驚棲鳥翻翻動綠蘿輿遲殘夢續山近早涼多露
蟀喧幽草風螢點暗荷塵心中夜靜虛白耿星河

野興

出門秋色滿耳目暫澄清世事痴方了名心久自平石
林濃雨色風葉颭溪聲紫稻香盈路山莊憶耦耕

京師六月至七月大雨桑乾諸河溢閼邸抄被災七十餘州縣非常災也

淮上涼生夏欲訛中宵星象亂投梭行人訛說京師雨
彌月全傾天上河懸釜債車寧抵捃移坊縈社竟如何
九重宵旰頻年切饑溺偏連郡縣多

千山急雨壅桑乾萬派奔騰勢未闌不信蛟螭能放恣
已聞蒼赤罹波瀾長菱白璧隨流盡細馬輕車就食難
未解昊天仁愛意堯年一樣水瀾漫

懷襄日夜屢宸居五字詩成涕淚書倉廩全開畿輔遍
瘡痍半起面顏舒洗兵天欲西南靖滌沲人當劫運除

休咎自來需幹濟大川舟楫定誰如

師荔扉之望江任過懷遠

淮水清秋夜荆巖逼檻涼十年方一見兩鬢各皆蒼問
舊多零落談山欲遠翔人生難得處萬里共杯觴
作吏殊堪嘆徧難老遞藏我方厭塵鞅君已入錐囊世
路饒盤錯民生忌講張問途無可贈名士慎疎狂
江上逾淮上千山接混茫小姑暮行雨彭澤對開堂下
里能歌舞平沙足稻梁政餘吟興恰郵寄慰愁腸

碧鏡

碧鏡涵花活濃山入黛長扇迴燈睽閃釵挂玉丁當流

階前波靡含嚙絳點香翠鬢初攏髻脂腴自凝妝細柳
垂腰弱幽蘭結佩芳巫雲遲雨色洛雪駐風光璧月良
宵惜琴心細語將可能堅宋玉不羨嫁王昌桃葉新名
渡雲英近搗霜天花留獨剩雲鳳綉雙翎小杜芳時憶
相如渴病狂春懷餘一綫顛倒爲情忙

壬戌元旦迎春擬樂府歌青帝

壬戌

寅之甲晨農祥首元正迎青陽鼓淵淵蒼龍旆神之臨
百福賚諧諧者淮亦濡其厓房雲從風潤彼枯芟擊允
茲農功人牛適中曰勿後時以從我婦子於豐

春雪

微風雪不禁搖漾滿疎林不辨梅花色絕知春意深紛
霏遲日晚浩蕩遠山沈一倅忽亭夢悠悠邱壑心

霽雪

城烏噪曉空樓觀簇玲瓏霽色分山遠春陰護雪濃融
泥滋碧沼積素點寒叢元夕鐙花麗留將並月朧

蘄縣古城

風狂水覺春撲面暗沙塵雁候迷雲水人家雜莽榛古
城空背澤楚夥竟亡秦治亂千年事由來慎所因

宿州西北山中

塵土羈征驛蕭然路轉林入山平野濶絕壑亂峯深疊

石浮螺翠靈泉滴玉音符離回道土應向此中尋

雨又雪

片片輕霏帶雨斜孤村烟霧暮傳車東風狡獪花前雪
吹上繁枝盡是花

初霽早行

得得溪山慰早行平沙搖漾柳絲輕風來綠縹波新展
雪盡紅心草細生駒銷那堪羈臣拙人間難得是春晴
塵埃不動天涯遠愁思無端閣自縈

早日

滿月未銜山紅日已地外豈直晝漏長春至天亦大東

言金 卷三
宿日次高夜候破蒙昧天事屬有常陽長斯爲泰曉路
冒繁霜微澌蕩鳴瀨時聞樵牧兒歌聲出蒼藹谷鳥競
高林忻忻如有會時行樂春生免茲苦寒慨

北嚮雁

鴻雁渡冥漠當風揚羽毛眷言江湖樂翩翩下九皋雖
免塞雪寒奈茲鳧鷖驕春風催歸心萬里何迢迢啣蘆
助委頓虞羅愁見要一嗜稻梁味翻飛不復高六翮豈
殊舊太息此嗷嗷

春林花

晴日爛紅杏蔚茲豔陽天灼灼天桃花百媚生含嬌海

翠華如醉容態何天然
李花殊闇淡春風相與妍
弱質易爲滋非彼青陽偏
物情厭寂寞榮落惟所便
薔薇何結曲錯錦矜紅鮮
辛夷已斑駁山櫻紅欲然
長松獨何爲鬱鬱深崖邊

二月二日

二月二日楊柳絲淮南
淮北光風吹穿泥碧玉蒲芽
銳夾水紅雲杏蕾滋案牘
長年目眩晃鶯花忽地春
迷離殷勤欲趁良晨樂
醕酎無囚似習池

得雨大風

玉巖山下雨絲斜耐可
顛風竟夜加好是豔陽初
得半

爲渠芳草又憐花

落花

一歲芳菲去等閒
林隈歎段避纒
漏落花底事
憐茵席最好風吹碧草間

潁州三里灣渡河

裊裊雙河柳多情拂豔
船三年遊賞處小渡亦悠然
薄宦如行旅
春花迫雨天鶯聲啼恰恰
不覺爲流連

淮壩田

跨淮作縣治荆塗環控
漣泖渦亦東淮時復警
淮澤民田半黍稻泥壩各不同
南淮禱暑雨北淮愁夏凍
風雨

四時和高下難兼豐積歛成惰農饑腸生澆風攘攘淮
壩間天亦難爲工

讀唐人田家詩感賦

我從田間來束帶忻作吏作吏勞心神復憶田間事孟
夏鶉姑飛繁陰暗濃翠雨餘農事閒良苗蔚豐遂野趣
談古初田酒盃歡醉濯足溪泉清開襟遠風至散蕩不
妨人何由辨機智識道苦不早負此沮溺志

井田不可談均田亦煩促游民積漸增機變相馳逐刑
政詘益滋姦僞緣猾獠十食而一耕饑腸成疾篤民生
首一飽力耕詎云辱榮利耀其前五色豔迷目綺裘鄙

布素珍食陋梁肉役情索身養身做索未足刀錐第可
營山海走相續豔女懷金夫佻優仰華屋詩禮塚可伐
借客死可驚萬眾紛嘒嘒誰能竟起伏惟有驅田中低
頭種菽粟貧富不相啖田亦漸均屬人意靜耕鑿休風
生素樸何由驅之田云毋現可欲

兵從田間出罷卽田間歸國無募養煩邑有守禦資卒
然下符契萬千立可齊十人一火具農夫力優爲勇壯
寓羈束耕鑿安恬熙烽燧一隅動四面饒兵威更罄不
千里精銳有餘施戰士恤同民道路無侵欺尉長悉鄉
里緩急相扶持旣無寡兵患何由老且疲功成不利賞

急此南畝期有唐變曠騎方鎮生禍堦自從兵民分得
失難可思優優府兵制何異阡陌開

古者仕釋褐拔茅南畝間民隱晰纖微教養術所便本
無華侈性富貴亦藐然解帶行反耕進退綽且寬唐制
科選雜農士始相懸奔競利夸蕩車服竭芳鮮得仕不
廢情熱中生憂煎豈無爲民志爲己難兼殫沈郎四太
論流極不可言士風日趨巧功業日以混緬懷諸葛公
智術侔天人當其南陽時力耕若終身成都八百桑田
業遺子孫淡泊訓明志千秋愧素餐

春暮感興

火檄星符日不虛
珍珍華髮渺愁予
啁啾桐葉誰鳴鳳
濕沫苔泥互响魚
過眼花飛春事疾
挈囊瓢在宦情疏
蒼山一曲松千樹
飽啖龜苓憶著書

片息

片息清虛破滓來
名場心跡自疑猜
談詩未識麒麟閣
綉佛何妨鸚鵡杯
夜雨梧桐花細落
青山裙屐夢頻回
駢煩身世無窮處
齊物莊生一笑開

遣悶戲爲陸放翁體

得道堪憑慧業美
官不過多錢待來
腰下雙綬輸却山
中一眠

暑中對人冠帶長日據案鞭笞等是人間惡趣一身作
吏兼之

上界亦煩使令名山自足清涼神仙有分猶懶六月驅
車不遑

一官一邑憂世淮北淮南亢陽十九峰前啖雪六千里
外思鄉

七月十一日立秋

酷熱何堪簿領叢迎秋盡日仰雙桐黃房嘉會神靈藥
列子歸心離合風赤豆并花酬節物剪楸沉果憶兒童
暑中信有浮生慮一笑西南月半弓

禱雨

瓊蜴雲龍信杳然山宮僕僕禱靈泉
菑粟何堪減旱年雲氣陸離開日駭
河聲曉夜湧風顛
天和有象無由動蒿日晴霄炷紫烟
坳鬱塵埃草木黃井泥汨汨引殘漿
天心畢竟回仁愛
時節難教遲稻梁財賦東南軍國計
江淮生活水雲鄉
已聞四遠同枯旱小邑貧疲倍黯傷

占星驗月費參稽消息人天事總睽
苦憶夏香辭慷慨
難分袁甫地東西靈山毛髮焦應痛
淮海蛟龍睡已迷
毒熱煩愁交互集何當雷電起前溪

微雨

堂上看山野氣昏入山蒼翠
厖崖根秋陽早診難堪暑
疎雨微雲亦解煩鳥鳥喧聲爭
晚樹漁樵生計耐荒村
微官憂樂隨人事茆店蕭然一舉樽

喜雨

盛夏苦亢旱得雨不愜懷
人苗上一枯雲雷中道乖
今晨動烟霧浮涼發天涯
雲霞絢猶駁風雨俄以偕
老荷寂復暄蒼葭黯漸
薄暮轉浪浪傾洒何淋漓
物理異頓漸舒徐有餘施
蓄極勢未已慰茲久旱思
我行計百里森爽忘暮饑
與夫泥沒蹠茲行不言疲
野館環深林

繁響豁心脾我性畏炎熱始欲雨葛絺所惜濟旱功後
彼田家期陰陽久沉戾且以和天倪把火照懸溜捲幔
揚清颺深夜不解寐此情無乃痴譬彼渴酒人酒渴不
可支得酒大甕益濡首無不爲卜晝與卜夜誰復計何
時

秋雨解

野人采菽炊饑甕 低頭淋漓背朝雨 手中擷實半空枝
太息秋霖竟無補 三伏炎炎禱龍公 豆花手茸落焦土
等知膏澤今滂沱 何似前時早相與我思古來人才何
時無往往泛置猶 凡夫天地鍾靈詎無意遲廻抑塞何

爲乎若大旱用作霖雨古人妙喻味何腴用不用一轉
移間紛然萬彙差苑枯天事人事等難測硜硜怨望嗟
何愚農夫農夫早種麥今年秋雨明年食

晚憇中南海寺夜雨

葦葭水半浮楊柳隱汀洲人語煙中楫燈明樹杪樓谷
陵何代改佛伽一龕幽小憇耽禪境微涼動晚秋
伏枕干林葉濃陰水氣生西風吹密雨一夜滿秋聲寂
闌消心象塵勞薄世情曉鐘殘夢裏香火憶前盟

九日

重九事行役高山時登臨所歎駢駢懷異彼遨遊心紆

曲渡迴澗重岡緬崙峯秋氣淨天宇林壑爽蕭森寒苔
秀巖石曲泉鳴幽陰粲粲日精花託根凌高岑風露自
敷藉芬馥竟誰尋日夕發孤興耿耿懷芳斟

黃葉

頭髮老自白木葉秋自黃白髮緣心神黃葉豈云霜淮
南悲長年局促誠可傷落木有餘態風露縈清光花實
爛熳已斂此生意長人生膏火煎百年此遑遑安得神
仙藥一返鬢毛蒼

夜歸自塗山下

長宵耐遠路蹇然空谷音殘月上峯背幽輝開澗陰隱

隱長淮流素波含煙深村巷閉寂闌蕭森殘葉林霜露
皓崖石夜氣空人心何處擊寒鐘雲水杳沉沉

喚渡月在林登舟月在水兩槳擊玲瓏撲簌鷗聲起霜
濃水氣清灑空石林徙玉珎光鱗鱗微風爛錦綺柁轉
山影橫蒼然兩峯峙萬籟寂不動天宇淨如珙明發市
城喧爭渡聲聒耳

哀符離四章

宿州城東門夜開白巾帕首橫戈來焚街劫獄殺官吏
洶洶狂妄何爲哉邪說中人有如此妖兒妖婦稱渠魁
黑雲沈沈火洞赤男顛女躓相枕藉城西壯士振臂呼

短兵狹巷血模糊日中五戰賊不脫亂擁州衙作巢窟
鳳廬廉使宵介馳單師入城賊掩匿摧壁破壘殲其雄
困獸奔騰肆狂齧賊砍不死神扶持戎莽驚心援外絕
臘月八日鳴軍炮刀弓火礮雷電驅妖兒妖術何有無
青天日出愁雲徂流離在野循歸途嗟嗟死者云何辜

十二日解嚴

令下千夫集人心壯足資河山堪表裏鏊鍤効驅馳風
遠傳郊柝燈明夾岸旗金湯成眾志端不在臨時
百里傳宵警餘兇到我疆妖氛能八日兵力已多方弊
俗絃歌輟無端壁壘防今朝烽燧撤愁思轉茫茫

郊行大雪

盡日風雪濃薄暮意未了
簌簌踏溪橋霏霏眩林表
川原入天淨村巷人聲悄
欲覓平阿宿前山皓茫渺

除夕

殘雪熒熒北斗回坐看年去
又年來危途第覺風濤過
華髮何堪歲月催買鳥祭
詩癡興僻裴公蕤火壯心
哀長筵簫鼓鐙如晝且免
間愁到酒杯

初三日雪

癸亥

曉霧不開山濛濛簷溜溼
輒風非雪候倏忽輕叢集
紛紛漸作花漫漫絲絮雜
宛轉意態閒磊砢厚已積
重陰

結舒徐浩瀚恣淪洽枯叢爛繁蕊密竹返槁葉曲欄半
已沈茅舍敲欲壓盈盈池沼平何乃計原隰前月雪三
日老農破快悒墻陰積未消茲雪更重疊來牟定飽餐
水陸各厭浥連年冬不雪屢荒相蹈襲小宰拙撫字鬢
毛坐蕭颯天道有盈虛豐年從此愜柏酒禦宵寒清輝
炫銀蠟

人日喜晴

人日曉天晴重簷落凍聲長淮融雪動新水迫春生寒
峭梅花坼香攢菜甲烹高山良駟策猶起壯年情

望塗山

春晴變山氣嵐翠溼峯稜叢石深留雪幽泉響激水野
人營窟屋古木挂霜藤數數崖前路探奇竟未能

荆山樓

璞玉山前雨意濃畫樓春色擊離悰繞林碧漲雙河水
倚檻青浮對面峯巖草淞垂珠歷落石苔雲過翠蒙籠
兩年風月頻遊宴又是鴻泥舊爪踪

離席賦得長淮柳

無限長淮柳風霜兩岸凋夜來春雨足荏染萬千條細
浪搖金縷濃烟籠畫橋相將人惜別婉轉拂雙橈

之懷寧出山陽鋪用謝之宣城出新林浦向板橋

韻

連山豁新晴期程愜過驚沙水淨迴溪殘雪炯深樹羈
職久淮服風霜往來屢春色懷江城勤役亦佳趣舉芳
蘭渚青盞簪朋舊遇春風慰行李濛濛出烟霧

龍山宮祀事

長江東北流羣山儼相從峨峨大龍山西上專其雄江
山互盤互陰陽交方中是宜大落地自昔國皖公小宰
附城郭畿望資要衝連年苦亢旱大吏憫三農潔齋禱
靈祠應時甘雨通神闕福萬民寸雲敷大邦今茲重承
祀登降肅旌幢風日荷神霽照耀開青峰巖嵐沃蒼翠

原隰迴徑，俯聆涓涓。泉俯爲大壑，瀧豈直。眺遊勝豁，目清塵胸。歸途踏春草，曲折緣深松。雨餘麥苗青，村巷回冲融。卽事慰情懷，時和神所豐。

車津澗

春光忽忽滿江濤，石路茸茸細草侵。野氣晴蒸新樹綠，溪流紅糝亂花深。蓬龍不厭看山興，騶馬難忘蠟屐心。一酌車津亭下水，九年塵暝到而今。

宿橋頭寺

風竹暗如雨，不辨夜淺深。幽窗忽炯炯，殘月生東林。衣露溼花氣，泉響生靜心。一宿寬閒境，暫如釋負任。

茶亭嶺

種松滿青山種稻青山趾
溪隴自成村小山相邐迤
第使風俗淳樂利竟何已
雨餘溪泉清春深雜花紫
石竹怡通人鳥聲清在耳
盡日青蘿間飛蓋渡旖旎

長安嶺

曲磴盤苔溼空亭戴石高
晚煙濃岳色野漲入江濤
地僻稍忘暑山行得避暑
長松千萬樹小立聽蕭颺

憫農

六月早稻黃刈穫還更種
新米飯饑農水車聲淙淙
地力無時閒猶艱入口供
柰何不耕人珍食自恣縱

夏夜詞

簾櫳沈沈月斜白屏山
夢轉瑤林碧美人銖穀玉肌涼
錦瑟露濃拭蘭席曲欄芳草青
菲菲雲水香濃醉不歸
蜻蜒曉夜荷心宿不羨莊生蝴蝶飛

石門湖遇雨

擊楫趁汀洲青山動拍浮
濃雲頽浦樹急雨響湖漚
大野力驅禱西風今始秋
村人指龍挂光怪滿江頭

得送雨歸自高河鋪

蕉鹿猶疑夢幻同肩輿迢遞亂雲中
動來鱗甲千山雨
聽徹松杉萬壑風
靈谷有龍呼竟起人間害馬去難空

炎蒸忽地清涼遍一笑醍醐灌頂融

潛山城外寄王四約齋

山行不覺遠松籟水聲兼秋樹迷黃谷晴雲荔嶽尖翠
微城郭暝潭影塔稜漸欲訪飛鳧侶怱怱未許炊

山口鎮

漲流歸壑響淙淙雨後青山面目真石逕寒生楓半紫
汀沙秋盡草如春焚魚酌醴難乘暇野鹿標枝憶返淳
別有幽懷人不識登高臨水總含顰

練潭驛

參差巖岫繞芳汀使節星輶旦夕經疲馬隴殘沙草碧

行人折遍柳條青，一官手版紛迎送。五夜家山夢渺冥，
孤月澄潭誰解和。幾回空過水心亭。

石門湖夜行

石門沈沈湖闇碧，大隄山頭半吐月。烟嵐晃月山影空，
木落天高雁沙白沙。路鱗鱗，舊漲痕。虛船廓落傍荒村。
長官風露宵行急，茅屋人家睡正溫。

桂林湖幕行

鞅掌難堪薄領身，郊行清曠恍怡神。撲塵嵐翠山當面，
坦步江沙月趁人。鴻雁低回諳地僻，漁樵歌笑見情真。
肩輿宛轉思成寐，遠寺鐘聲到野津。

微雪望皖公山

風雪少人事登樓得偶閒相看頭半白老却皖公山

除日西鄉夜歸

浮雲變幻風波警卒卒窮年到除日除日猶煩于役行
三百六十何日逸名利奔催遞古今賢愚一樣迷悠悠
神仙大藥幾時逢年去年來成白髮天柱峩峩凌穹蒼
七慈母龍開晴光墨組羈人不得到河頭悵望塵飛黃
吏事卑微困泥滓朝朝斂版宵衣起使令煩於上界仙
待食廻環千夫指馬牛其風盡可及雞虫得失爭無已
隍中覆鹿多夢人老子烹鮮難究理挈瓢有興何時歸

送窮無術將胡底兀兀籃輿百感并山村臘鼓敲匆匆
春風老柳枝梢活幽谷早梅冰雪傾松徑蒙龍暮烟暝
茅亭慙立泉聲清嚴城與馬喧辭歲行路虛寂轉閒情
輿中守歲不須急江上矍矍看日生

新霽登樓

甲子

晴暉駘蕩發春陽冰霰兼旬得未嘗殘雪半含沙草碧
顛風猶在野梅香到江山岫晶瑩出拂面楊絲婉轉長
片刻寬閒心乍適小樓高揭水雲鄉

棕陽

灣灣河水半江鋪綠岸楊花卸舳艫樓上青山留客醉

風光都屬酒家胡

士行祠前柳萬絲
維舟煙雨思迷離
天門幸有排雲翼
俯首依依送客時

富貴遺須不死求
射蛟臺下水悠悠
樓船綵仗青山輦
只有君王一度遊

大新橋送鄉人歸

健馬輕帆遠自任
家山最好圍林東
風吹起長江柳
西向迢迢送客心

江濱行

恰恰鶯啼竟日聽
披離紅杏短長亭
空江夜雨潮初漲

遠渚寒煙草又青
簿領年華鬚鬢改
酒杯山色古今經
東風馬首楊絲路
過盡征帆各不停

西洲

經旬一度到林垌
細柳新蒲鬪嬾婷
野岫春濃雲靄靄
江村酒熟雨冥冥
喚晴幽鳥迷芳徑
隨意桃花傍水亭
矮馬幄裙遊興別
勞勞空對好山青

三月朔永慶園長堤成起
柞澗段石諸小山邊槐

莢斷塘諸河包泉潭峽港
見小紅西峽諸湖抵

梅家壩橋皆易以石
埭啟閉巨工也

劉萬象汪
齡珍羅先

箕王諸生爲予賦詩
小飲迎芳菴中用蘇詩和

趙德麟韻紀事

江湖悍疾人力窮洲人寄食浮漚中羣舒山澤下秋潦
吐吞萬派乘風雄皖公城東盡湖泊紅蓮碧蓼滋清丰
團沙堵水種秔稻往往平地波濤通劉生老謀爲我畫
移山轉水眞鑿空始事落落終竟合堤成忽奪蛟螭宮
霓捲雲連五十里有如月暈周臙隴汪羅諸生壯從事
歌詩相杵來清風百日圍成陂壩足不數豆芋資濯龍
從今大獲賀豐歲免茲鮮食竭魚蟲

流水

流水地中行平平無須治神禹奠汎濫疏淪云導之後

世利堤障漸增如守陣留濁日以高阨塞難久持仰流
下平地城邑蕩如糜利害滋聚訟壁馬徽神祇竹木有
時盡遷決無已時至今黃樓側濤聲滲垂廉汨泗沒已
遠淮渦近亦危物極勢必返何堪更南移水治治以下
民安安以卑高卑一淺替患害踵相隨物性卽至理穿
鑿多所違水鑿而民鑿毋徒小利期

春日卽事

細雨春江濶濛濛帆影斜平蕪青到水雜樹亂開花
颺魚梁鷺淒迷野廟鴉垂楊惱人意搖蕩滿天涯
風雨四山并前蹊石瀨鳴荒林何處宿蕭寺足爲情萬

山口

樹翻階綠高雲下榻平化城安穩意轉自嘆勞生

張安

天柱一峯出今朝應是晴崖陰翻瀑雪雲氣曳松聲茅

舍稀人事山田帶石耕荒塗難可憇林壑慰饑行

韻

萬綠繁陰合殘紅亂雨飄人家不知處澗水曲通橋松

藥攢金粟藤花幔紫綃山林隨處好春事亦偏饒

擾擾何時樂塗泥笑此生一春稀對酒野酌亦多情山

翠濃餘映花香噴薄醒夕陽遲不落新樹囀鶯聲

遠岫峨眉曲溪流帶影清市橋攢畫艦煙樹隱連蕁人

有便娟子歌能靡曼聲不須輕下里花月可憐情

石牌

返照帶溪雨空濛江上山漲迷前日渡舟出翠微巒花

落草逾碧春深人未閒
幽芳心自惜
延佇水雲間

石崖湖

園塘撥野田
彌望綠黏天
密樹雙堤合
危橋獨木懸
藤蘿牽草屋
鷗鷺適湖天
江鄉魚稻利
春雨辨豐年

西墟

負郭園亭好
低回芍藥欄
飛花隨水遠
密雨送春殘
汪性難移
僻泥途強自安
金丹何處有
未分壯心闌

渚嶼寧芳草
幽懷黯自歎
吟詩騎馬得
盱世論人難曉
日當春少浮雲
壓地寬
愁心此江水
自古浩漫漫

梅雨

江上黃梅熟
濛濛雨意殷
青山黯如夢
不辨曉行雲
錦瑟移高調
香辭亂碧芬
東隣窺玉處
寂寞綠苔紋

洲望

新晴白蘋渚不奈客愁何
江水日夜急雲山重疊多元
珠難強索白雪自高歌
鷗鳥浮沉適飄飄不礙波

晚下石門嶺

雨後煙村草樹光
小亭延佇正斜陽
垂巖石髮風絲細
解籜新篁露粉香
多事荒途行靡靡
出山泉水共茫茫
巖城隱約雲霞裏
名利虛拘未了忙

雨中兀坐

久雨青苔欲到門
坐來心跡得渾渾
醍醐酒寧論器
鼓吹鳴蛙等是喧
幽獨有懷周世界
賢愚多事強昭昏

忘機最羨樵間燕帶溼輕翰自在翻

學得安心未竟安百重堆案懶研鑽莊生牛馬人呼易
老氏雄雌自守難門外塗泥隨意附雨中盛夏似秋寒
渠渠我屋權與遠漏溼移床強自寬

發新橋港

柱帆滂無際村舍認菰蘆水氣浮山白瀟雲聳柱孤鞠
芎寧戒備秔稻已淪鋪向夕風濤發鷺鷥快意呼

泊塗家凸

繫纜依山曲蕭條薜荔村民依艱一食百務總難論蛙
蛤鐙光集魚龍夜氣渾風波不成寐更聽雨聲喧

江家嘴露月

炯炯月出水斜光入我船
風定水聲息起視山蒼然
列星何的燦各各依其躔
數月苦陰雨一豁憂慮煎
積水見明河紆回深樹頭
晚稼藝可及何由疏百川
聊茲慰晴景蕩掃痴雲煙

得替後移居天台里

汗喘負籠土一秣殊脫然
今朝真此味坦腹卧涼天
頓刃餘盤錯虛舟任往還
兩年腰欲折名實竟何先
地豈丹砂得興因山水生
要烹庖可代執熱爨思清華
髮添明鏡殘編憶短檠
中庭人語寂月上有江聲

秋日卽事

待得瓜時歲已逾
酣醖始覺病身蘇
神仙原在人間世
細雨新涼一事無

風塵到處避
鷺難機事忘懷
放眼寬擬把流泉
參水觀不爭五礫
動波瀾

檢點鄉書作答遲
自緘藤紙報相思
秋江潦退如西洱
一樣青山到水湄

聞道難拋債主逃
暫時休假亦清高
解衣狂飲無監刺
飽向江天嚼蟹螯

飛煙飛雨渡江潭
樓閣蕭森萬木參
無數青山相對出

盈盈秋色滿江南

出皖途中卽事

紅亭綠酒樹西東
飛鴈池潭片影同
慙愧居民留戀意
兩年碌碌去匆匆

驛路僧寮似抱關
每來竹下聽潺湲
相馴更有霜翎鶴
引步蒼苔對客閒

冷水鋪前溪水鳴
大龍山頭雲倒生
白雲搖蕩龍山遠
一片秋林密雨聲

識遍山前樹萬重
青楓大槩莽薜蘿
挺然直幹清陰滿
記取源潭老獨松

點點蘋花拂短檣一聲初鴈渡晴霄江流自繞青山去
猶向津亭上晚潮

煙霞名利欲兼難大李才華早掛冠數數龍眠山下過
山莊止向畫圖看

半生塵路感交游每飲醇醪憶好仇何處道南公瑾宅
青山黃葉滿舒州

野菊

野菊被崖谷獨感秋氣清開花粲白石濯根山水澄蕭
灑出天然恬淡有餘馨汲泉壽老翁服食垂仙經城市
競五色壅沃滋繁英世有捷徑子狡焉托幽貞至美非

近玩甘隨秋草并陶公已忘言真意何由評

廬陽懷古

江湖重阻足憑臨吳魏頻煩利遠侵春水方生堪嚇敵
斷橋超度亦寒心盛衰時運成征戰治亂人才變古今
何似單車劉太守招綬羣盜計深沉

豫州僑奪儼如讐零落遺黎難未休捲地波濤韋叡堰
燎天風火北齊舟中沙飲盡軍中化蠻觸何知角外求
成敗匆匆銷往跡青山依舊水東流

行慙英姿把劍鏢一時才勇効淮南堅城挫銳持方急
破陣呼觴戰復酣正朔尙能尊李氏雄共終竟抗朱三

黑雲灑漫江湖湧衣錦君臣盡可慚

南宋逡巡地日隕廬州形勢好重恢藕塘猝擊劉猷去
店步旋驚兀術來表裏江淮寧可退生靈塗炭豈忘哀
尺書催戰全師捷國計從知仰勝裁

將軍嶺上分流水咫尺堪通共一溪人力已排山脈斷
雞聲偏向夜中啼矯揉事業身徒瘁寂寞碑銘字已迷
野老尙傳隔世代詔開肥水達淮西

世宙茫茫未許猜歷陽一夜陷湖開麻姑東海誰憑信
老姥青山劇可哀舡峽倚天人插竈地形傳火劫沉灰
浮生止有神仙好那得金丹大藥來

湖濱夜行

平沙渺渺渡煙皋，騶馬寒嘶鴈鷺號。
黃葉樹深微月淡，空灘水落斷崖高。
一星碧火湖心寺，往劫悲音夜半濤。
野艇無人遙喚渡，此生蹤跡總勞勞。

三河鎮

寒水三叉落，垂楊夾岸平。
稻航新熟後，埽火遠春聲。
蠶紛人事冰魚壓，客烹喧囂難再宿。
煙月放舟行。

野望

潦收寒水澄，落葉滿橋梁。
老荷鬱深翠，野菊標孤芳。
坡陀冒紅樹，茅舍叢疎篁。
禾登農事閒，日暮歸牛羊。
一熟

已蘇困無事相擾攘清淨道日遠庶以愜幽腸

夜行擬李昌谷

白日何短短道長霜雪重驅車中路宿遙心如飛蓬元
鶴唳幽渚悄然萬籟空夜景何離離曉星漏雲出徘徊
枯林顛俄然是殘月白露凝寒天青山黯紆鬱采采若
木華爲我照行轍

荒村

荒村土屋斷山圍種穢栽榆未可希積葉空林過騎響
連岡白草怒鵬飛星霜出入頻年慣風雅絃歌此日非
城市豪華邊鄙瘠從知撫字及人微

獨山詩

蜀山變蒼紫行行周四陲
隆然青天中雲煙紛陸離
圓如廩君廩側如蚩尤旗
抑誰覆其笠夸父追炎曦
原隰會風雨蒙泉分肥施
江淮適均野風氣交華夷
玉女偶游戲投壺復彈碁
適然留此局鬪彼孫曹師
樓船蕩鼓吹飛騎揚旌麾
齊梁互置州水火更番施
勝負訖無常電光開笑隤
局心中不平難舍當局時
蠻觸角兩國蝸牛漫不知
我聞西方義芥子納須彌
女媧灑黃土賢愚同蚩蚩
若士舉兩臂方將汗漫期
無稽自諧弄靡靡行

賦詩

擬古

冰雪涸長松蕭森青桂林磊磊異花寶共此歲寒深所思在遠道綢繆隔幽枕人情各自懷誰能相同心采蘭襟袖間沉吟以至今

霜林淨無葉繁枝如積煙下有游魚池凝冰方爛然厥燠人早息萬籟寂不喧寒月何皎皎清暉竟長天靜虛識真境妄跡思唐捐澹然吾道存誰與偕往還

灼灼芳梅樹陽春乘孤根幽香含素華蔚茲風雪繁胡爲在榛莽支離側荒園美人阻遐遠心賞復何言

白璧易枯桐黃金買冰絲不惜珍重懷一寫綢繆思龍

層隔山嶽緩急各有宜小絃廉折清大絃春和熙第當
心手調何勞數柱移

壽陽

春申澗涼水茫茫鴻烈書殘失驗方艷女計成珠履寂
八公仙去桂叢荒青山迢遞空雲影遠渚依依微起鴈行
千古正淮文字在不堪重數十三王

微雪

鴈聲不定繞淮淝芳館遲留倦倚扉一歲今宵明宵盡
雪花有意無意飛狂瀾舟楫當風駭要之駕輪蹄覓轍微
那得閉關人事外深山木石共忘機

人日乙丑

忽忽已人日和風變晴郊春色淮東來蒙蒙生柳梢冰
壓汎苔淥山氣動雲坳仰視林中烏各已營其巢良限
則易逾澄源理無濬行役不辭遠歸思誰能拋

春雨

風簾響玉玳向夕雨冥冥春色遲相待遙山黯欲青落
梅香粉溼萸柳午眠醒陌上花開近相期欸翠鞵

柳色

柳色滿洲渚青青吹散絲人事劇變幻我來亦多時平
野何葱然碧草浸漣漪婀娜紅杏花濛濛煙雨滋芳時

慰遠路事往得心夷日暮促歸程笑彼僕隸痴

北渚

北渚南臯耐湖洄芳陰端合傍亭臺林花艷簇虹霓落
池草青浮煙雨來春色等閒人被惱華年長好思難灰
游絲嬌鳥蘭成賦別有心情不是才

津亭雨

細雨生冥漠津亭漲碧漪銜杯濃竹色行路得花時豔
染桃緋簇低含柳蔓滋晚煙青未了潤物淺深知

雨後霍邱城西樓

煙樹隱迷離高樓萬頃陂水生先穀雨花發舊松滋溼

溼牛垂耳關關鳥扶雌豐年憑時若人意共春熙

懷古

庭堅禋祀渺荒邱陵谷難憑世代求子變偏師無六藝
勾吳烽火到雩婁穹窿大別垂雲出浩瀚長淮夾灌流
村社酒濃花滿路昇平春色在田疇

落花吹面雨霑襟薄宦游踪耐獨吟遠渚依微綿碧草
春山罨靄溼青林龍池戰後雙綃寂仙藥功成九日深
下邑地偏間索古不嫌荒蕩爲登臨

韶光

放眼韶光處處同小庭莎草亦青葱落花撩亂蒼苔雨

飛燕遲迴柳絮風，救世劍文饑強聒。反人龍惠辨徒窮，
委懷自得忘機適。遲日芳陰酒興濃。

重三日

融融霽色斂朝雲，深院簾櫳映碧曛。楊柳鶻留音自裏，
梨花蝴蝶夢難分。流觴有興酬佳節，采芻無由寄遠芬。
擬得陽春流徵曲，暖風駘蕩已如醺。

雨中城南得魏花

暖豔朝霞紫濃香，細雨垂小欄。須折取珍重，晚春時。

過大別山

山界霍邱固始淮河決
灌二水間亦名大別

曉行渡長山大別，青滿眼久雨涵。浸濃爽晴嵐，霧捲峯

巖邊橫側雲鬢變梳縮陂陀古寢邱綠樹蔭畦畎緬惟
孫叔風瘠塢成豐腴長天落楚雲古人邈已遠浪浪澗
谷鳴茸茸花露泫斜川下平綠草深路不辨

憇白衣禪院

林外塗泥白皓膠林中蕭寺隱雲坳坐來煙雨初飛盡
靜覺鐘魚不用敲碧草錦斑花滿地綠陰殘雪鷺依巢
偶然勞憇逢眞境猶是香溪水未滄

壽州孫慎齋得趙巨中息壤集相示

伊古不周山頽裂元池狂瀾突地江河移水妖石怪凌
交達五穀靡爛人民饑莫埋其源誰能治美人憂憂淮

之湄荷衣蘿帶冰雪肌吐吞萬象窮兩儀懷寶不出光
陸離匪今匪古何人斯雲君恍惚山鬼癡我聞道有混
元萬景鍊神之宗支童眞士女相遞師瑤姬渡世三千
基上宮追隨飛化遲人間遊戲謫不歸丹文玉笈留擁
持陽九百六丁其時虞余庚辰無人麾欲往援之中心
悲鴆毒鳩桃鳳鳥詒深篋蔽天煙雨迷塊獨無聊歌噫
嘻含睇宜笑嬌微詞紫庭眞人不可追回車弭節雲之
陲珠玉唾落天風吹古草茫茫荒春陂壽陽孫子嗜好
奇遺璫淬珮探渺瀰寶書爛爛輝丹曦點蒼道人眼眩
披謂是神仙化身信不疑荒蕩無實何由知厥名息壤

云知之

大觀亭

風潮雨漲兩喧騰，江上征帆不斷開。
忽忽去來成往事，悠悠天地一登臺。
露壇恍惚移灣柱，山色尋常落酒杯。
獨有吾忠亭下墓，丹青生氣壯層鬼。

舟行金沙墩月上

漲流渺渺接江平，挂起風帆暑氣清。
不辨煙波行近遠，亂山中斷月東生。

落月

隱隱青山塔影偏，鐘聲遙動水雲連。
荷花幽翳抱清露

皇朝詩林卷之三
落月光光開曉煙

葉家集兩行

風泉徹曉聞山氣息炎氛密竹涼生雨迴溪倒上雲幽
藍耽一宿塵事苦多紛曲曲青蘿徑騶聲亂鳥羣

立秋夜

道路過長夏冥心扇懶揮炎蒸餘閏續消息早秋微泉
響來深竹山光在野扉清虛堪自適待月暮忘歸

明月上東嶺徘徊深樹顛微風動遠水碎影明蒼煙人
語靜無擾蚊聲消寂然錦屏圍獨處夢不到神仙

由禮口至潤河集

渺渺長山黛影微駭雲天半漏斜暉荒途盡日淮清轉
遠浦斜風雨細飛綠樹裊煙茅屋靜潢流返壑豆畦肥
塵勞未少閒中趣自送滄波白鳥歸

村店

青鏡虛壁夜厭厭舊被黃紬暖不嫌睡味一清塵鬱悖
新涼初聽雨簾纖瀉喧櫪馬江湖杳髮白雕虫簿領添
好夢如雲迷斷續山林廊廟片時兼

七夕雨

天上苦相思星橋閨後期雨漂銀潢溢雲蕩翠輦遲巧
思從人擅秋懷敢自知槐花深店滿忽憶少年時

蓮花寺夜坐

曲徑陰森古木交，渚荷香霧晚風捎。
相呼水鳥迷菰葉，不盡飛螢渡竹梢。
淨土暄涼殊自別，禪家藥病等難拋。
夜深渾覺諸天靜，兀坐無心學繫匏。

九日

強把茱萸酒不醺，早塵蓬勃繫情殷。
西風稿葉宵疑雨，九日荒城曉望雲。
巖邑艱辛催白髮，蒼山歌嘯憶離羣。
當塔一樣黃花好，何似東籬醉夕芬。

淮濱

坦蕩河沙細草平，蒹葭無際暮煙生。
斜陽霜葉逾花豔

歸壑淮流泛酒清
擾擾輪蹄人寄世
寥寥天地鴈來聲
登臨自古多詞賦
更是秋妍易惹情

答王柳村寄懷詩

淮波盪皎月照我
朱絲琴之子在遐
遠清風來好音海
門斂流潦浮玉標
陵岑洄溯無由泊
悠悠懷道襟

黃葉

秋色滿黃葉淒迷
谷口廬晚風吹撲
簌寒雨併蕭疎馬
埒翻塵響瀉泥踏
爪虛煙波連北渚
渺渺正愁予

紅葉

青女來楓浦娟娟
返照間疎林紅不
輟流水去猶殷寒

鳥迷春夢殘霞倚暮山金丹何處有渥赭起衰顏

樂菱川太守率屬禱雨張龍公得透雨紀事

秋田禱雨迄初冬太守肅屬迎龍公焦臺汲水雲飛從
博山裊煙旋東風飛蓋萬點聲琮琤習習涸涸回困蒙
中宵忽復如夏凍摧簷萬派鳴奔澗早籟千里消無踪
龍我用意幽明同髣蘇盛事非忽忽雷聲勺勺騰歸龍
餘雨滿天雲濛濛

劉家臺夜渡

遠火識津迷沿緣曲岸西淮當天漢直星向大荒低風
浪有宵涉利名無竟蹊征鴻亦何事不定往來棲

九仙觀卽事

鄉人賽九仙仙去自何年老檜標祠古層巒結頂圓
靈稜三面絕石洞半林懸藥物餘苔白丹砂伏澗泉
凝神疵癘却御氣雨風騫報祀興農隙馨香竭野鮮
村姑翹聳髻土樂競繁絃竹鬢紅妝映溪喧笑語傳
山深餘樂事地僻得豐年攬勝逢于役登高惜式遄
千峯迷舊楚萬壑落寒天桂樹榮霜日蘭苔沍凍煙
雲霞料緬猜鸞鶴隱連翩極目開塵眯遙情托珮
捐夕陽人影散山水浩縣縣

經龍池灣感賦

南循大別麓北至關洲嘴陂陀二日程迂迴畧西鄙南
行泉淙淙霜葉豔餘紫北渡冰瑩瑩白草被涯涘寒暄
蕞爾殊地氣各異理惟有民風同爭訟不解已角勝乾
餽間禮讓風邈矣戴星日不給何乃親宮徵歸途攬長
淮清瀾浩瀾瀾洄漩龍灣池嘗時出蛻委張公智勇沉
丸子助弓矢鄭龍非意于扁心甘鬪死楚蓼山澤深何
此一勺水民氣實獷悍在龍亦如此嗜欲囿羣生誰能
遏其始善名不相期利在爭以起悠悠善利間太息楊

朱子

竹園

雨氣餘深竹晴光淨影涵峯巒見餘杪蒼翠沉煙嵐醜
葉香醪冽刷雲苞笋甘止應古張廌風味此中諧

行城西湖澗中

麋麋萬頃煙細草綠芊綿風浪消重險洪荒見始天飛
蓬移轉轂藏壑斂虛船封畛真無用勃蹊應杳然樵青
人蟻動采地鴈臣還但得排淫潦何勞計受田盈虛時
自運坦蕩意殊便東海揚塵過小年知大年

喜雪時蒙宿賊平

春信動嚴臆朔雪揚輕風輝輝炯暮色綿綿縈素空妖
氛蕩初盡來牟復滋豐

又雪

曉煙漾清霏悠揚不即落重疊委疎篁宛轉入簾箔玉
塵盈復輸天花墮還着忽憶瓊山侶瑤華遠可托

迎春日宴雪

高會乘清賞消閒送臘晨雪花飄綺席直是滿林春搖
曳隨歌韻翩翩向舞人幽蘭徵曲舊瓊樹選聲新光動
班姬扇濤飛織女津宮妝梅點額羅襪玉生塵笑口凝
香霧懸璫落素珍管絃催斷續巾拂亂紛潏碧盞銷寒
暖搖山逼座真洵開花頃刻莫憚酒溢巡謝賦誇梁苑
吳詩憶洛濱何如白少傅佳宴促歌頻